

STATUTI
I
SHOQERISE "HAMË" SHPK

KREU I
DISPOZITA TE PERGJITHESHME

Neni 1

Sot me date 13.10.2023, une ortaku i vetem i shoqerise me pergjegjesi te kufizuar **"HAMË" Sh.p.k:**

Z. Ilir Dushkaj

datelindja, 31.03.1976, banues ne Tirane person madhor dhe me zotesi te plote per te vepruar, mbajtes i leternjoftimit nr. H60331155F

Deklaroj se aktiviteti i metejshem i shoqerise **"HAMË" shpk,** do te rregullohet, organizohet dhe zhvillohet ne perputhje me kerkesat e Ligjit, Nr. 9901, date 14.04.2008 "Per tregtaret dhe shoqerite tregtare".

Neni 2

Shoqeria **"HAMË"**, është person juridik shqiptar dhe si e tille do te ushtroje aktivitetin e saj tregtar, sipas ketij Statuti dhe Aktit te Themelimit bashkalidhur, dokumente keto te pregatitura konforme kerkesave te Ligjit Nr. 9901, date 14.04.2008 "Per tregtaret dhe shoqerite tregtare" dhe legjislacionit shqiptar ne fuqi .

Neni 3

Kohëzgjatja e aktivitetit te shoqërisë është fiksuar për një periudhe kohe te pakufizuar .

Neni 4

Objekti i aktivitetit eshte ne fushen e restaurantit, bar, delivery, katering etj

Për përmbushjen e objektit te veprimtarisë, shoqëria mund te marre pjese ne ndërmarrje apo shoqëri te tjera qe kane objekt te njëjte ose te përfaqëtojnë me te sajin dhe mund te kryejë direkt apo indirekt te gjitha operacionet tregtare, financiare, me karakter te luajtshëm e te paluajtshëm.

Shoqëria mund te hape dhe te mbaje llogari rrjedhëse ne leke apo valuta te tjera, pranë bankave shqiptare apo te huaja, duke mundur gjithashtu te disponoje lirisht mjetet monetare te akumuluar ne to, në përputhje me legjislacionin ne fuqi.

Neni 5

Selia e shoqërisë është në adresën Tiranë, Rruga Pjetër Bogdani, pallati nr.1 ZK 8270. Asambleja dhe drejtimi i shoqërisë, kanë kompetencën të hapin filiale e agjensi të tjera dhe t'i mbyllë nëse e çmon të nevojshme.

KREU II **KAPITALI THEMELTAR DHE KUOTA**

Neni 6

Kapitali themeltar i shoqërisë përbehet vetëm nga kontribute në para dhe është 100 leke. Ky kapital është i ndarë në 1 kuotë (një) kuotë me vlerë nominative 100 leke.

Kuota në përqindje e ortakut në kapitalin themeltar të shoqërisë është si më poshtë:

- Z Ilir Dushkaj, zoteron 100 % (përqind) të kuotës e barbartë me shumën 100 leke

Pjesëtimi i kuotave është i ndaluar.

Për vërtetimi e pronësisë mbi kuotat e mësipërme shoqëria tregtare mund të lëshojë në, emër të personit apo të personave, që zotërojnë kuotën, një certifikatë për të vërtetuar zotërimin e kuotës së kapitalit.

KREU III **TRANSFERIMI I PJESEVE NOMINATIVE TE KAPITALIT THEMELTAR**

Neni 7

Kuotat e kapitalit janë lirish të transferueshme, midis ortakëve, bashkëshortëve të tyre në rastin e ndarjes së pasurisë në bashkëpronësi familjare dhe trashëgimtareve në rast vdekje.

Transferimi i pjesëve nominative të kapitalit themeltar tek të tretet bëhet me miratimin e shumicës së ortakëve që përfaqësojnë të paktën $\frac{3}{4}$ e kapitalit themeltar, në përputhje me procedurën që vijon:

Ortaku që kërkon të transferojë kuotën e tij, tek të tretet, tërësisht apo pjesërisht, është i detyruar që fillimisht t'i rezervojë ortakëve të tjerë të drejtën e parablerjes. Për të lejuar ushtrimin e kësaj të drejte, ortakët që dëshirojnë të transferojë kuotën e tij duhet të lajmërojnë me shkrim (me letër-rekomandë) gjithë ortakët që figurojnë në Statut (në shtëpinë e secilit, me adresat që rezultojnë në këtë statut), duke e specifikuar çmimin e shitjes, mënyrën e pagesës dhe emrat e blerësve të mundshëm.

Nëse njoftimi nuk i arrin marrësit, ajo do të konsiderohet e mbërritur nga të dy palët në datën kur postieri konfirmon datën e dorëzimit në adresën e përcaktuar në këtë Statut.

Përgjigja e ofertës për të ushtruar të drejtën e parablerjes duhet t'i kthehet ortakut ofertues, me shkrim (me letër-rekomandë), brenda 30 ditëve, nga data që ortakët (ose ortakët) e interesuar kanë marrë njoftimin për ofertën e shitjes.

Ne rast se asambleja refuzon (me shkrim) dhënien e miratimit, ortaket brenda tre muajve nga data e refuzimit, janë te detyruar te blejnë apo te lejojnë blerjen e kuotës ne favor te blerësit te caktuar nga ortaku ofertues, me te njëjtin çmim dhe me te njëjtën mënyre likuidimi qe ortaku ofertues ka vendosur ne njoftim.

Ne rast se asnjeri nga ortaket ne veçanti apo asambleja ne përgjithësi nuk përgjigjen brenda 3 (tre) muajve, (nga data e njoftimit te ofertës), miratimi i transferimit konsiderohet i dhëne dhe ortaku ofertues, është i lire ta transferoje kuotën tek te tretet.

KREU IV **ASAMBLEJA**

Neni 8

Asambleja e Përgjithshme është organi me i larte vendimor i shoqërisë, qe përfaqëson tërësinë e ortakeve.

Vendimet e saj merren ne përputhje me legjislacionin ne fuqi dhe këtij Statuti dhe janë te detyrueshme për te gjithë ortaket. Ato protokollohen ne regjistër te veçante ne përputhje me ligjin.

Asambleja ka te drejte te ushtroje ne çdo moment verifikime mbi administrimin dhe te kontrolloje çdo dokument te shoqërisë. Ajo mund te urdhëroje apo te udhëzoje administratorin ne kryerjen e detyrës se tij.

Asambleja vendos për përcaktimin e politikave tregtare të shoqërisë; ndryshimet e statutit; emërimin e shkarkimin e administratorëve, e likuiduesve dhe të ekspertëve kontabël të autorizuar si edhe përcaktimin e shpërblimeve për to; mbikëqyrjen e zbatimit të politikave tregtare nga administratorët, përfshirë përgatitjen dhe miratimin e pasqyrave financiare vjetore dhe të raporteve të ecurisë se veprimtarisë; zmadhimin dhe zvogëlimin e kapitalit; pjesëtimin e kuotave dhe anulimin e tyre; përfaqësimin e shoqërisë në gjykatë dhe në procedimet e tjera ndaj administratorëve; riorganizimin dhe prishjen e shoqërisë; miratimin e rregullave procedurale të mbledhjeve të asamblesë; çështje të tjera të parashikuara nga ligji apo statuti;

Neni 9

Menyra e Thirrjes se Asamblese

Asambleja thirret nga Administratori ose nga cdo ortak që përfaqëson te paktën 5% te kapitalit, nëpërmjet një njoftimi me shkresë ose, me njoftim nëpërmjet postës elektronike.

Njoftimi me shkresë apo me mesazh elektronik duhet të përmbajë vendin, datën, orën e mbledhjes dhe rendin e ditës e t'u dërgohet të gjithë ortakëve, jo më vonë se 7 ditë përpara datës së parashikuar për mbledhjen e asamblesë.

Megjithatë janë te vlefshme edhe mbledhjet e asamblesë qe nuk janë thirrur si me sipër, nëse është i përfaqësuar i gjithë kapitali dhe asiston administratori dhe eksperti kontabël i miratuar (nëse ekziston).

Ne asamble mund te marrin pjese te gjithë ata qe figurojnë te regjistruar ne librin e ortakeve.

Ortaket mund te përfaqësohen vete, ose nëpërmjet një personi te pajisur me prokure, jo administrator, jo ekspert kontabël i autorizuar ose vartës i vete shoqërisë

apo ndonjë shoqërie tjetër te kontrolluar prej saj. I takon administratorit te verifikojë te drejtën e pjesëmarrjes për secilin ortak.

Çdo ortak ka te drejtën e votës ne asamble ne proporcion me kuotën qe zotëron ne kapitalin e shoqërisë.

Ortaku nuk mund të ushtrojë të drejtën e votës nëse asambleja e përgjithshme merr vendim për vlerësimin e veprimtarisë së tij, shuarjen e ndonjë detyrimi në ngarkim të tij, ngritjen e një padie ndaj tij nga shoqëria, dhënien ose jo të përfitimeve të reja.

Neni 10

Asambleja drejtohet nga administratori dhe ne mungese te tij pjesëmarrësit me shumice absolute te kapitalit prezent ne salle, zgjedhin një drejtues.

Asambleja emëron një sekretar edhe jo ortak. Vendimet e asamblesë duhet te nënshkruhen nga te gjithë ortakët prezent ne mbledhje si dhe nga sekretari. Kur e parashikon ligji, apo kur administratori e sheh te arsyeshme, P/Verbali i mbledhjes mbahet nga një noter i zgjedhur prej tij.

Neni 11

Kur ne Ligj apo ne Statut nuk parashikohet ndryshe, vendimet e asamblesë merren nga një ose disa ortake qe përfaqësojnë me shume se 30 për qind të kuotave. Ne rast se nuk arrihet kjo, asambleja mblidhet përsëri jo më vonë se 30 ditë, me të njëjtin rend dite.

Për ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë, vendosen nga ortakët qe përfaqësojnë te paktën $\frac{3}{4}$ e pjesëve te kapitalit themeltar.

Asambleja e Përgjithshme me nismën e saj ose me kërkesën e ortakeve qe përfaqësojnë te paktën 5% te kapitalit themeltar, mund të vendosë nisjen e një hetimi të posaçëm për parregullsitë përgjatë veprimeve të themelimit të shoqërisë apo të ushtrimit të veprimtarisë tregtare. Hetimi kryhet nga një ekspert i pavarur i fushës.

Nëse Asambleja e Përgjithshme, kërkesën e ortakeve qe përfaqësojnë te paktën 5%, për nisjen e një hetimi te posaçëm e refuzon ose nuk jep përgjigje brenda 60 ditëve atëherë, kërkuesit kane te drejte ti drejtohen gjykatës.

Neni 12

Zmadhimi i kapitalit themeltar vendoset nga asambleja e ortakeve. Pas vendimit te asamblesë për zmadhimin e kapitalit, ortakët brenda 30 ditëve duhet te bëjnë derdhjet respektive, ne proporcion me kuotën e kapitalit qe zotëron secili.

Ortakët qe kane votuar kundra zmadhimit te kapitalit nuk janë te detyruar te kontribuojnë.

Depozitimi i kapitalit te zmadhuar, behet vetëm nga ortakët qe kane votuar pro rritjes se kapitalit, secili sipas kuotës qe është vendosur ne asamble. Ne mungese marrëveshje për rindarjen e kuotave, barazohet me 100 (njëqind) shuma e kapitalit pas zmadhimit. Pas derdhjes se kontributeve te sipërpërmendura, administratori duhet te regjistroje ne librin e ortakeve zmadhimin e kapitalit, duke marre

nënshkrimin e atyre që kanë pranuar; si dhe të vazhdojë me një përshkrim të ndarjes së kapitalit midis ortakëve.

Administratori me ligj dhe pa autorizim paraprak të asamblesë, mund t'u kërkojë llogari ortakëve që kanë nënshkruar zmadhimin e kapitalit, për derdhjen e kontributeve brenda afatit të sipërpërmendur.

Zvogëlimi i kapitalit vendoset nga ortakët që përfaqësojnë të paktën $\frac{3}{4}$ e pjesëve të kapitalit themeltar.

Kur vendimi i zvogëlimit të kapitalit nuk motivohet nga humbjet në aktive, kreditorët e shoqërisë duhen njoftuar menjëherë; ata mund të kundërshtojnë vendimin pranë organeve gjyqësore.

Transformimi i shoqërisë në shoqëri anonime, bëhet mbas hartimit të raportit përkatës nga Administratori dhe miratimit nga Asambleja e Përgjithshme me një shumicë prej tre të katërtave, në përputhje me nenet 228 dhe 229 të Ligjit "Për Tregtarin dhe Shoqëritë Tregtare". Është i pavlefshëm çdo transformim i shoqërisë në kundërshtim me këtë dispozitë.

ADMINISTRIMI

Neni 13

Administrimi dhe përfaqësimi i shoqërisë i besohen një Administratori të Vetëm, që mund edhe të mos jetë ortak. Administratori i vetëm emërohet për një periudhë deri edhe 5-vjeçare, me të drejtë ripërtëritjeje, me përjashtim dorëheqje apo shkarkimi nga ana e Asamblesë.

Në detyrën e Administratorit të Vetëm emërohet **Z. Ilir Dushkaj** datelindja, 31.03.1976, banues në Tiranë, mbajtës i leternjoftimit nr. H60331155F, i cili ka të drejtën e firmës dhe të përfaqësimit të shoqërisë.

Administratori gëzon kompetenca të pakufizuara për realizimin e objektit të veprimtarisë së shoqërisë, me përjashtim të atyre kompetencave që Statuti ia njeh Asamblesë së Përgjithshme.

Në përmbushje të detyrës së tij, ai ka të drejtë dhe detyrim të kryej të gjitha veprimet e administrimit të veprimtarisë tregtare të shoqërisë, duke zbatuar politikën tregtare, të vendosura nga asambleja e përgjithshme; të përfaqësojë shoqërinë tregtare; të kujdeset për mbajtjen e saktë e të rregullt të dokumenteve dhe të librave kontabël të shoqërisë; të përgatis dhe nënshkruajnë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, të paraqesë këto dokumente përpara asamblesë së përgjithshme për miratim; të krijoj një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë; të kryejë regjistrimet dhe dërgojë të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit; të raportojë përpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare,

Administratori kryen edhe detyra të tjera të përcaktuara në ligj dhe në statut si edhe mund të verë në lëvizje instanca juridike dhe administrative, duke emëruar avokate e duke lëshuar prokurë në rastë gjyqësor, duke kryer operacione bankare, këtu përfshirë edhe hapjen e llogarive rrjedhëse, nënshkrimin dhe xhirimin e çqeve, realizimin e tërheqjeve dhe derdhjeve me leke në dorë apo urdhër xhirimi, tituj

kreditit, paradhënie krediti.

Viti ekonomik fillon me 01 Janar deri me 31 Dhjetor çdo viti.

Neni 14

Administratori mund të emërojë përfaqësues, të cilëve, individualisht apo kolektivisht, mund t'u japë të drejtën e firmës, si dhe ato kompetenca, shpërblime e garanci që do të vlerësojë të arsyeshme. Ajo mundet gjithashtu të emërojë drejtues ose përfaqësues për akte apo kategori aktesh të caktuar.

Neni 15

Përgjegjësitë e Administratorit

Administratori (apo administratorët nëse do të emërohen të tillë) janë përgjegjës individualisht ose solidarisht, sipas rastit, ndaj shoqërisë ose të tretëve, për shkeljet ligjore të Statutit apo fajet e kryera gjatë administrimit të shoqërisë.

Shoqëria nuk është përgjegjëse ndaj të tretëve, për aktivitete të kryera nga administratori në kundërshtim me kompetencat e tij, kur vërtetohet se ata ishin në dijeni të kësaj rrethane.

Administratori përgjigjet personalisht para shoqërisë dhe/ose të tretëve që kanë pësuar dëme nga ndonjë veprim i tij i paligjshëm.

Neni 16

Asambleja e përgjithshme mund të shkarkojë administratorin në çdo kohë me shumicë të zakonshme. Paditë, që lidhen me shpërblimin e administratorit, në bazë të marrëdhënieve kontraktore me shoqërinë, rregullohen sipas dispozitave ligjore në fuqi.

PERFAQESIMI I PUNEMARRRESVE

Neni 17

Nëse shoqëria ka me shume se 50 punonjës atëherë ata kanë të drejtën të organizojnë një Këshill të punëmarrësve me një mandat 5-vjeçar me të drejtë ripërtëritje ose kur shoqëria ka të punësuar me shume se 20 punëmarrës po me pak se 50 atëherë për çdo 10 punëmarrës zgjidhet një përfaqësues. Këshilli i Punëmarrësve apo përfaqësuesit e tyre gëzojnë të gjitha të drejtat dhe detyrimet e parashikuara nga neni 20 i Ligjit "Për Tregtarët dhe Shoqëritë Tregtare".

Neni 18

EKSPERTI KONTABEL I REGJISTRUAR

Emërimi i ekspertit kontabël të autorizuar bëhet me vendim të asamblesë së përgjithshme e cila përcakton mandatin dhe shpërblimin.

Kur ligji e parashikon shprehimisht prezencën e ekspertit kontabël të autorizuar, janë të pavlefshme operacionet e kryera pa prezencën e tij.

Neni 19

Eksperti Kontabël i autorizuar pasi ka verifikuar librat kontabël, arkën dhe depozitat bankare, garanton që kontabiliteti vjetor është mbajtur në rregull, i korrespondon të vërtetës dhe është në përputhje me legjislacionin në fuqi.

Mund të shkarkohet nga funksionet e tij me vendim të asamblesë së përgjithshme si dhe me vendim gjykate.

Eksperti Kontabël i autorizuar përpilon dhe i paraqet Asamblesë një raport financiar mbi ushtrimin vjetor që pasqyron situatën financiare në nisje dhe atë në mbyllje.

Kontrollon që bilanci përfundimtar dhe Raporti i përpiluar nga Administratori për Asamblesë, t'i korrespondojë realitetit.

Është i detyruar të paraqesë Administratorit dhe asamblesë së ortakeve:

- a) Kontrollat, verifikimet dhe sondazhet e bëra ;
- b) Zërat e bilancit dhe dokumentacionin kontabël që duhet korrigjuar duke sygjerruar edhe zgjidhjet;
- c) Gabimet dhe pasaktësitë e konstatuara ;
- d) Rezultatit financiar pas korrigjimeve të bëra;

Ai duhet të thirret në të gjitha mbledhjet e asamblesë së ortakeve ku aprovohet bilanci i aktivitetit gjithë vjetor, por mund të thirret në të gjitha rastet kur konsiderohet e nevojshme.

Neni 20

Eksperti kontabël i autorizuar përgjigjet ndaj shoqërisë dhe ndaj të tretëve për pasojat e negative që rrjedhin nga gabime e neglizhime në kryerjen e funksionit të tij.

Nuk mban përgjegjësi për shkeljet ligjore të kryera nga administratori, me përjashtim të rasteve kur ka pasur dijeni për to, por nuk ia ka paraqitur dhe raportuar asamblesë.

KREU IV **FITIMIT DHE FONDET**

Neni 21

Fitimi që do të shpërndahet përbehet nga fitimet e realizuar gjatë vitit financiar të sapo mbyllur. Asambleja mund të vendosë për formimin dhe shpërndarjen e fondeve të ndryshme.

Neni 22



Asambleja pasi ka miratuar bilancin përfundimtar dhe ka vendosur shumën që do të shpërndahet, përcakton pjesën e fitimit për secilin ortak në raport me kuotën që zotëron secili.

Shoqëria mund t'u shpërndajë fitime ortakëve, vetëm nëse administratorët, nën përgjegjësinë tyre personale, lëshojnë një certifikatë të aftësisë pagese, e cila konfirmon shprehimisht se shpërndarja e propozuar e dividendëve përmbush kërkesat nën 77 të Ligjit "Për Tregtarin dhe Shoqëritë Tregtare"

Gjate vitit, shoqëria ka të drejtë t'i japë ortakëve paradhëniet mbi dividendët në vlera jo më të mëdha se dividendi i shpërndarë një vit më parë, me kusht që:

a) Të mbetet e depozituar një rezerve, e barabartë me paradhëniet që do të shpërndahen;

b) Një Ekspert i kontabël i autorizuar të vërtetojë në një raport me shkrim që fitimet neto të realizuara deri në atë moment janë më të mëdha se paradhëniet që parashikohen për tu shpërndarë ortakëve.

Shpërndarja e paradhëniet vendoset nga asambleja ose administratori. Në vendimin përkatës duhet të specifikohen shumat dhe datat e kthimit.

Dividendët që nuk korrespondojnë me fitimet e realizuara realisht, mund t'u reklamohen ortakëve që i kanë marrë ato.

KREU V **PAVLEFSHMERIA, PRISHJA DHE LIKUJDIMI DHE LARGIMI I ORTAKEVE**

Neni 23

Statuti si dhe aktet e tjera të shoqërisë mund të konsiderohen të pavlefshëm, vetëm në rast se shkelen dispozitat e parashikuara nga Ligjin Nr.9901, datë 14.04.2008 "Për Tregtarët dhe Shoqëritë Tregtare" ose nga Kodi Civil.

Neni 24

Shoqëria mund të priset vetëm në këto raste:

- me vendim unanim të asamblesë së përgjithshme;
- me hapjen e procedurave të falimentimit;
- nëse nuk ka kryer veprimtari tregtare për dy vjet dhe nuk është njoftuar pezullimi i veprimtarisë në përputhje me pikën 3 të nenit 43 të ligjit nr.9723, datë 3.5.2007 "Për Qendrën Kombëtare të Regjistrimit";
- me vendim të gjykatës;

Neni 25

LARGIMI DHE PERJASHTIMI I ORTAKEVE

Ortaku mund të largohet nga shoqëria nëse ortakët e tjerë ose shoqëria kanë kryer veprime në dëm të tij, nëse është penguar të ushtrojë të drejtat e tij, nëse shoqëria i ka ngarkuar detyrime të paarsyeshme apo për shkaqe të tjera, që e bëjnë të pamundur vazhdimin e ortakërisë pasi të njoftoje me shkrim për arsyet e largimit shoqërinë.

Në bazë të një vendimi të zakonshëm, asambleja e përgjithshme mund t'i kërkojë gjykatës përjashtimin e ortakut, nëse ai nuk ka shlyer kontributin e tij, sipas parashikimeve të statutit ose nëse ekzistojnë shkaqe të tjera të arsyeshme për këtë përjashtim.

Ne këto raste zbatohen parashikimet e neneve 102, 103 dhe 104 të Ligjit "Për Tregtaret dhe Shoqëritë Tregtare".

Neni 26

LIKUIDIMI

Kur me vendim gjykate shpallet pavlefshmëria absolute apo relative e shoqërisë si dhe në rastet e parashikuara në statut, asambleja e përgjithshme vendos prishjen e parakohshme të shoqërisë dhe fillojnë procedurat e likuidimit që do të kryhen sipas kërkesave të parashikuara në Ligjin "Për Tregtaret dhe Shoqëritë Tregtare" dhe në përgjithësi nga legjislacioni shqiptar në fuqi.

ORTAKU I VETEM I SHOQERISE "HAMË" SHPK

Ilir Dushkaj

